



SLUŽBENI GLASNIK GRADA ŽIVINICE

GODINA LV

19. MAJ 2020. GODINE

BROJ 11

Na osnovu člana 7. Zakona o Budžetima Federacije Bosne i Hercegovine („Službene novine Federacije Bosne i Hercegovine, broj 102/13, 9/14,13/14, 91/15 i 102/15“), a u vezi sa članom 13. Zakona o principima lokalne samouprave u Federaciji Bosne i Hercegovine („Službene novine F BiH br.49/06 i 51/09“) i članom 24. Statuta Grada Živinice („Službeni glasnik Grada Živinice“, br. 5/19), na osnovu zahtjeva JP „Horizontala“ Živinice a radi stanja nesreće uzrokovane pojavom korona virusa (COVID -19), Gradsko vijeće, na vanrednoj -telefonskoj sjednici održanoj dana 15.05.2020.godine, donosi

ODLUKU

o preraspodjeli i prenamjeni budžetskih pozicija u okviru Službe za opću upravu, društvene djelatnosti, boračko-invalidsku zaštitu i raseljene osobe

Član 1.

U Budžetu Grada Živinice za 2020.godinu („Službeni glasnik Grada Živinice», br. 01/20) u okviru Službe za opću upravu, društvene djelatnosti, boračko-invalidsku zaštitu i raseljene osobe vrši se preraspodjela i prenamjena sredstava u okviru pozicija: **JP "HORIZONTALA" Živinice doo - Transfer sredstva od zakupa javnih površina**, ekonomski kod 614 311 i **JP "HORIZONTALA" Živinice doo - Uređenje parkinga**, ekonomski kod 614 311, i to

- U okviru pozicije JP "HORIZONTALA" Živinice doo - Transfer sredstva od zakupa javnih površina, briše se iznos 300.000 KM i upisuje iznos 260.000 KM
- U okviru pozicije JP "HORIZONTALA" Živinice doo - Uređenje parkinga, nakon riječi uređenje parkinga dodaje se tekst „i podrška preduzeću“, te se briše iznos 70.000 KM i upisuje iznos 110.000 KM.

Član 2.

Sve ostale pozicije u Budžetu Grada Živinice za 2020.godinu ostaju iste.

Član 3.

Ova Odluka stupa na snagu danom donošenja i biće objavljena u Službenom glasniku Gradae Živinice.

Bosna i Hercegovina
Federacija BiH
Tuzlanski kanton
Grad Živinice
-Gradsko vijeće-
Broj: 06-04-2810/2020
Živinice,15.05.2020.godine

PREDSJEDAVAJUĆI GV

Nail Jusić,s.r.

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće Živinice
Broj 06-04- 2557-1/2020
Dana .23.04.2020.godine

Na osnovu člana 2. Zakona o ministarskim, vladinim i drugim imenovanjima ("Službene novine F BiH" broj 12/3 i 34/03), člana 1., 4. i 7. Zakona o izmjenama i dopunama Zakona o ministarskim, vladinim i drugim imenovanjima ("Službene novine FBiH" broj 65/13), a u skladu sa odredbama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Živinice i na osnovu člana 24. Statuta grada Živinice ("Službeni glasnik Grada Živinice" broj 5/2019), Gradsko vijeće Živinice na Vanrednoj (telefonskoj) sjednici održanoj dana 23.04.2020.godine, donosi

O D L U K U

o davanju saglasnosti Skupštini JP "Gradska dvorana" Živinice
za imenovanje privremenog NADZORNOG ODBORA

I

Ovom Odlukom daje se saglasnost Skupštini JP "Gradska dvorana" Živinice za imenovanje privremenog Nadzornog odbora JP "Gradska dvorana" Živinice, u sljedećem sastavu:

1. Ramiz Muhić, predsjednik
2. Ćazim Tulumović, član
3. Vahid Dedić, član.

II

Odluka stupa na snagu danom donošenja i objavit će se u "Službenom glasniku Grada Živinice".

Obrazloženje

Zbog nastale situacije izazvane pandemijom korona virusa i proglašenja stanja nesreće na području Bosne i Hercegovine, a u interesu funkcionisanja javnih preduzeća i ustanova čiji je osnivač grad, predsjedavajući Gradskog vijeća Živinice je na Vanrednoj telefonskoj sjednici održanoj dana 23.04.2020.godine, putem poruke prosljeđene svim vijećnicima tražio da se izjasne da li su za produženje mandata članovima privremenih Upravnih odbora u Javnim ustanovama, skupštinama i Nadzornim odborima u Javnim preduzećima, do prestanka nastale situacije. Vijećnici su svoje izjašnjenje dostavili putem poruka i od ukupnog broja vijećnika 20 vijećnika izjasnila su se "ZA" produženje mandata. Zakonom o ministarskim, vladinim i drugim imenovanjima, odnosno Zakonom o izmjenama i dopunama Zakona o ministarskim, vladinim i drugim imenovanjima F BiH, u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament FBiH, Skupština Kantona, Skupština Grada ili Općinsko vijeće tada je odgovorni javni službenik Parlament FBiH, Skupština Kantona, Skupština Grada ili Općinsko vijeće.

PREDSJEDAVAJUĆI

Nail Jusić,s.r.

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće Živinice
Broj 06-04- 2557-2/2020
Dana 23.04.2020.godine

Na osnovu člana 2. Zakona o ministarskim, vladinim i drugim imenovanjima ("Službene novine F BiH" broj 12/3 i 34/03), člana 1., 4. i 7. Zakona o izmjenama i dopunama Zakona o ministarskim, vladinim i drugim imenovanjima ("Službene novine FBiH" broj 65/13), a u skladu sa odredbama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Živinice i na osnovu člana 24. Statuta grada Živinice ("Službeni glasnik Grada Živinice" broj 5/2019), Gradsko vijeće Živinice na Vanrednoj (telefonskoj) sjednici održanoj dana 23.04.2020.godine, donosi

ODLUKU

O imenovanju predsjednika i članova privremenog Upravnog odbora
JU "RADIO-TELEVIZIJA" ŽIVINICE

I

Imenuju se predsjednik i članovi privremenog Upravnog odbora JU "RADIO-TELEVIZIJA" Živinice, u sljedećem sastavu:

1. Abadžić Nusret, predsjednik
2. Nihad Kovačević, član.

II

Odluka stupa na snagu danom donošenja i objaviti će se u "Službenom glasniku Grada Živinice".

Obrazloženje

Zbog nastale situacije izazvane pandemijom korona virusa i proglašenja stanja nesreće na području Bosne i Hercegovine, a u interesu funkcionisanja javnih preduzeća i ustanova čiji je osnivač grad, predsjedavajući Gradskog vijeća Živinice je na Vanrednoj telefonskoj sjednici održanoj dana 23.04.2020.godine, putem poruke proslijeđene svim vijećnicima tražio da se izjasne da li su za produženje mandata članovima privremenih Upravnih odbora u Javnim ustanovama, skupštinama i Nadzornim odborima u Javnim preduzećima, do prestanka nastale situacije. Vijećnici su svoje izjašnjenje dostavili putem poruka i od ukupnog broja vijećnika 20 vijećnika izjasnila su se "ZA" produženje mandata.

Zakonom o ministarskim, vladinim i drugim imenovanjima, odnosno Zakonom o izmjenama i dopunama Zakona o ministarskim, vladinim i drugim imenovanjima F BiH, u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament FBiH, Skupština Kantona, Skupština Grada ili Općinsko vijeće tada je odgovorni javni službenik Parlament FBiH, Skupština Kantona, Skupština Grada ili Općinsko vijeće.

PREDSJEDAVAJUĆI
GRADSKOG VIJEĆA
Nail Jusić, s.r.

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće Živinice
Broj 06-04-2557-3/2020
Dana 23.04.2020.godine

Na osnovu člana 64. Zakona o zdravstvenoj zaštiti ("Sl.novine F BiH" br.46/10), člana 2. Zakona o ministarskim, vladinim i drugim imenovanjima ("Službene novine F BiH" broj 12/3 i 34/03), člana 1., 4.i 7. Zakona o izmjenama i dopunama Zakona o ministarskim, vladinim i drugim imenovanjima ("Službene novine F BiH" broj 65/13), a u skladu sa odredbama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Živinice i na osnovu člana 24. Statuta grada Živinice ("Službeni glasnik Grada Živinice" broj 5/2019), Gradsko vijeće Živinice na Vanrednoj (telefonskoj) sjednici održanoj dana 23.04.2020..godine, donosi

ODLUKU

O imenovanju predsjednika i članova privremenog Upravnog odbora
JZU "DOM ZDRAVLJA" ŽIVINICE

I

Imenuju se predsjednik i članovi privremenog Upravnog odbora JZU "DOM ZDRAVLJA" Živinice, u sljedećem sastavu:

1. Muhamed Hadžić, član
2. Nail Jusić, član
3. Abdulah Zukić-privremeni član imenovan 25.03.2020.godine, predsjednik

II

Odluka stupa na snagu danom donošenja i objaviti će se u "Službenom glasniku Grada Živinice".

Obrazloženje

Zbog nastale situacije izazvane pandemijom korona virusa i proglašenja stanja nesreće na području Bosne i Hercegovine, a u interesu funkcionisanja javnih preduzeća i ustanova čiji je osnivač grad, predsjedavajući Gradskog vijeća Živinice je na Vanrednoj telefonskoj sjednici održanoj dana 23.04.2020.godine, putem poruke proslijeđene svim vijećnicima tražio da se izjasne da li su za produženje mandata članovima privremenih Upravnih odbora u Javnim ustanovama, skupštinama i Nadzornim odborima u Javnim preduzećima, do prestanka nastale situacije. Vijećnici su svoje izjašnjenje dostavili putem poruka i od ukupnog broja vijećnika 20 vijećnika izjasnila su se "ZA" produženje mandata.

Zakonom o ministarskim, vladinim i drugim imenovanjima, odnosno Zakonom o izmjenama i dopunama Zakona o ministarskim, vladinim i drugim imenovanjima F BiH, u članu 1. regulisano je pitanje odgovornog javnog službenika tako što je rečeno da je odgovorni javni službenik osoba ili organ koji je osnovao navedeni regulirani organ. Ako je regulirani organ ili organe osnovao Parlament FBiH, Skupština Kantona, Skupština Grada ili Općinsko vijeće tada je odgovorni javni službenik Parlament FBiH, Skupština Kantona, Skupština Grada ili Općinsko vijeće.

**PREDSJEDAVAJUĆI
GRADSKOG VIJEĆA**

Nail Jusić, s.r.

Bosna i Hercegovina
Federacija Bosne i Hercegovine
Tuzlanski kanton
GRAD ŽIVINICE
Gradonačelnik
Broj: 01/2-04-89-_1150/20.
Živinice, 11.05.2020. godine

Na osnovu člana 15. Zakona o principima lokalne samouprave u Federaciji BiH ("Službene novine Federacije BiH", broj: 49/06) i člana 38. Statuta Grada Živinice ("Službeni glasnik Grada Živinice", broj 5/19.), člana 51. Odluke o izvršenju Budžeta Grada Živinice za 2020. godinu, a u vezi Strategije integrisanog razvoja općine Živinice 2017 - 2026. godina i Zaključka Gradskog vijeća Živinice broj 06-04-2102/2020 sa Vanredne-telefonske sjednice održane 30.03.2020. godine, prijedloga Komisije za dodjelu mineralnog đubriva i zaštitinih sredstava br. 01/2-04-89-828-2/20. od 07.05.2020. godine, Gradonačelnik donosi

P R A V I L N I K
o uslovima i načinu ostvarivanja prava na podsticaj u primarnoj
poljoprivrednoj proizvodnji

I - OPĆE ODREDBE

Član 1.

Pravilnikom o uslovima i načinu ostvarivanja prava na podsticaj u primarnoj poljoprivrednoj proizvodnji (u daljem tekstu: Pravilnik), utvrđuju se uslovi, postupak i način ostvarivanja prava na podsticaj u primarnoj poljoprivrednoj proizvodnji, u postupku proizvodnje mlijeka, a vezano za raspodjelu preostalih količina mineralnog đubriva (15:15:15) i zaštitinih sredstava-herbicida.

II - PRAVO UČEŠĆA

Član 2.

Pravo na dodjelu mineralnog đubriva (15:15:15) i zaštitinih sredstava-herbicida, imaju svi proizvođači mlijeka:

1. koji u procesu proizvodnje mlijeka imaju minimalno 6. muznih grla prema evidenciji Službe za lokalni, ekonomski razvoj, finansije i trezor (u daljem tekstu; nadležna Služba),
2. koji su upisani u Registar poljoprivrednih gazdinstava (RPG) i Registar klijenata (RK),
3. koji su izvršili ažuriranje podataka za proizvodnju mlijeka u 2019. godini u nadležnoj Službi,
4. koji imaju zasijan merkantilni/silažni kukuruz a koju proizvodnju nisu prijavili u odgovarajućim evidencijama Grada Živinice i nadležne Službe,
5. koji nisu koristili podsticaje u primarnoj poljoprivrednoj proizvodnji po osnovu

Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-826/20. od 27.03.2020. godine i Pravilnika o izmjeni i dopuni Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-955/20. od 14.04.2020. godine.

III POSTUPAK ODABIRA KORISNIKA

Član 3.

Komisiju za utvrđivanje liste korisnika koji imaju pravo na ostvarivanje podsticaja iz člana 1. Pravilnika, rješenjem imenuje Gradonačelnik.

Član 4.

Komisija iz člana 3. Pravilnika dužna je:

1. izvršiti uvid u ažurirane Registre poljoprivrednih proizvođača i Registar klijenata kod nadležne Službe,
2. sačiniti listu proizvođača mlijeka koji imaju više od 6 muznih grla i koji su izvršili ažuriranje podataka za proizvodnju mlijeka u 2019. godini,
3. od lica koja ispunjavaju uslove i koja su zainteresirana za dodjelu pomoći, prije primopredaje mineralnog đubriva i zaštitnih sredstava-herbicida, pribaviti ovjerenu izjavu kojim se dokazuje ispunjavanje uslova u pogledu zasijanih površina kukuruza i korištenja podsticaja po osnovu Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-826/20. od 27.03.2020. godine i Pravilnika o izmjeni i dopuni Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-955/20. od 14.04.2020. godine, koja je sastavni dio ovog Pravilnika,
4. listu proizvođača mlijeka koji ispunjavaju uslove po ovom Pravilniku dostaviti Gradonačelniku.

Član 5.

Na listu proizvođača mlijeka iz člana 4. stav 1. tačka 4. ovog Pravilnika Gradonačelnik daje saglasnost u formi odluke.

Nakon dobijanja saglasnosti Komisija iz člana 3. Pravilnika listu objavljuje na web stranici Grada Živinice i Oglasnoj ploči.

Nakon isteka rokova za izjavljivanje prigovora protiv navedene liste komisija organizira primopredaju mineralnog đubriva i zaštitnih sredstava proizvođačima mlijeka koji ispunjavaju uslove u skladu sa ovim Pravilnikom.

Primopredaju utvrđene količine mineralnog đubriva i zaštitnih sredstava-herbicida, Komisija iz člana 3. ne može vršiti onim proizvođačima mlijeka koji do momenta primopredaje ne dostave ovjerenu izjavu iz člana 4. stav 1. tačka 3. Pravilnika.

Po okončanju obavljenih poslova Komisija dostavlja cjelokupan izvještaj Gradonačelniku.

Član 6.

Proizvođačima mlijeka koji ostvare pravo za podsticaj u skladu sa ovim Pravilnikom, dodjela mineralnih đubriva i zaštitnih sredstava-herbicida, dodjeljuje se prema sljedećim kriterijima:

Jedno muzno grlo računa se 0.25 ha površine zasijanog kukuruza.

1. Mineralno đubrivo u količini od 50% po jednom muznom grlu
2. Zaštitno sredstvo-herbicid 3 l/1 ha.

Član 7.

Protiv liste proizvođača mlijeka koji ispunjavaju uslove za dodjelu mineralnog đubriva i zaštitnih sredstava, nezadovoljni proizvođači mlijeka mogu izjaviti prigovor Komisiji za rješavanje po žalbama u drugostepenom postupku Gradskog vijeća Živinice (u daljem tekstu: Komisija).

Prigovor se podnosi u pismenoj formi, putem Sektora za stručne poslove Gradonačelnika i odnose sa javnošću Grada, kontrolu kvaliteta, internu reviziju, inspekcijske poslove i javne nabavke u roku od 5. dana od dana objave Liste.

Član 8.

Pravilnik stupa na snagu danom potpisivanja a objavit će se u Službenom glasniku Grada Živinice.

Stupanjem na snagu ovog Pravilnika, stavljaju se van snage Pravilnik o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-826/20. od 27.03.2020. godine i Pravilnik o izmjeni i dopuni Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-826/20 od 27.03.2020. godine, broj 01/2-04-89-955/20. od 14.04.2020. godine.

Gradonačelnik

dr. sc. Samir Kamenjaković s.r.

IZJAVA

Ja _____ sin/kći _____
iz _____ ul. _____ br. _____
rođen/a dana _____ godine u _____

Pod materijalnom, moralnom i krivičnom odgovornošću, nakon što sam upozoren/a na posljedice davanja lažne izjave, izjavljujem sljedeće;

- ✓ Da se bavim proizvodnjom mlijeka i trenutno obrađujem i imam zasijano _____ ha merkantilnog/silažnog kukuruza koji koristim u ishrani muznih krava,
- ✓ Da ja, niti član mog zajedničkog domaćinstva, nismo koristili podsticaje u primarnoj poljoprivrednoj proizvodnji po osnovu Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-826/20. od 27.03.2020. godine i Pravilnika o izmjeni i dopuni Pravilnika o uslovima i načinu ostvarivanja prava na podsticaj u primarnoj poljoprivrednoj proizvodnji br. 01/2-04-89-955/20. od 14.04.2020. godine.

Izjava mi je pročitana, jasna i kao takvu je svojeručno potpisujem.

U Živinicama dana _____ 2020. godine

Izjavu dao/la

**„Službeni glasnik Grada Živinice“
broj: 11/2020**

SADRŽAJ

I - AKTI GRADSKOG VIJEĆA

1. Odluka o preraspodjeli i prenamjeni budžetskih pozicija u okviru Službe za opću upravu, društvene djelatnosti, boračko-invalidsku zaštitu i raseljene osobe..... 2
2. Odluka o davanju saglasnosti Skupštini JP "Gradska dvorana" Živinice za imenovanje privremenog Nadzornog odbora..... 3
3. Odluka o imenovanju predsjednika i članova privremenog Upravnog odbora JU "Radio-televizija" Živinice..... 4
4. Odluka o imenovanju predsjednika i članova privremenog Upravnog odbora JZU "Dom zdravlja" Živinice..... 5

II - AKTI GRADONAČELNIKA

1. Pravilnik o uslovima i načinu ostvarivanja prava na podsticaj u primarnoj poljoprivrednoj proizvodnji..... 6

**"Službeni glasnik Grada Živinice" uređuje: Stručna služba Gradskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@gradzivinice.ba**